

四庫全書

集部

欽定四庫全書

集部

御製詩四集卷十二

編修臣初喬齡覆校

總校官編修臣程嘉謨

欽定四庫全書

御製詩四集卷十

古今體一百四十五首

癸巳二

新正恭奉

皇太后幸圓明園即景成什

行時扶

輦卜良辰御苑年韶又一新更喜樓臺多積雪可知草

木樂初春冰堅漫衍魚陟負

前一日甫屆立春魚陟負  
冰為立春後第三候且臘

間三白凝沍池冰如鏡於試燈風景尤宜日愛還思烏駐蹇却是銀花火樹

下金川捷報問猶頻

養素書屋

素固能養人素亦貴人養相需相得彰一二二一仿即如春與物夫豈為殊兩非春物弗生離物春奚盎蘊之始無形發之斯有象徒從物華觀詎識春功蕩

虛明室

虛谷為虛明各明殊途一致藉相成因之悟得目迷者

都為去聲其心自滿盈

再題獅子林十六景疊舊韻

獅子林

獅林圖蹟翔雲林一卷精神直注今却以墨繩為肖築  
宛如粉本此重平聲臨烟容水態萬古調楚尾吳頭千里

心瞻就爾時民意切不忘方寸託清吟

虹橋

跨水飲垂虹浮空路可通祇疑縹渺處吹斷慮罡風

假山

白業當年叅所能至今樹若語迦陵興來欲問倪高士  
吐出幾多邱壑曾

納景堂

靜具動之理動形靜者情即如春孟際已蘊物華呈盆  
裏梅英馥庭前松籟聲問他涉園客

吳中獅子林今  
屬黃氏為涉園可

識本天成

清閼閣

吳工肖堆塑燕匠營位置難移古樹古頗似翠峰翠發  
帑非累民愛林因寫意高閣實已構真圖斯未弄

叶真圖

已入石渠寶笈不可移置前南巡過涉園自為臨本留貯其中今此間所弄則再臨本也新正值幾  
暇延攬偶一至春冰待融池春氣早酥地怡此清閼心  
觀厥發生遂

### 藤架

卧波置平橋折旋循遠迤綴架藤尚枯那擬步障紫漫  
訾鮮麗色却免惹纖滓然看寂寞中已覺懷春喜乍欲

金史紀事本末卷之二十一  
傲黃筌而弗嫌倪子

磴道

突起那論逕庭羊腸盤上峰巒豈惜略勞步履端知大  
愜性靈

占峰亭

平則為嶺側則峰峰亭實勝嶺亭趣於平易工側艱工  
例論詩文頗有據偶攀絕頂得笠覆便憶巡方斯冕露  
欲言欲罷而不能是我結習未忘處

清淑齋

前砌帶溪水後簷屏石林却華意猶愜既靜望偏深春  
稚蕪茵淺風過竹籟沈平心迎淑氣觸目適清襟

小香幢

石磴玲瓏倚翠幢上為佛室朗蓮缸偶然別學倪家調  
聲去若論塵心實未降

探真書屋

試問獅林境孰為幻孰真涉園猶假借

此間結構是藍  
本吳中涉園賈

之原圖反有不  
能盡合者矣

寶笈實源津

原本以藏石渠寶笈  
已成書不可移弄此  
志澹

因怡性景清足謚神  
畢然詩畫表仿佛見其人

延景樓

當石危梯訝不通攀過奇境得壺中似茲結構安措想  
宛彼樓軒若倚空俯暢物華皆入望春和吾意與俱融  
稿摹倪也還黃也莫漫區區辨異同

畫舫

岸傍常待那須呼歐米高情總不殊何必風帆誇直捷

烟溪幾曲耐縈迂

雲林石室

石作夏雲石作林其中有室費幽尋三間十笏惟容膝

却稱

去聲

開窓望遠岑

橫碧軒

有橋如弓彎有溪若鏡橫過橋坐敞軒不期意與清古  
帙亦陳几春鐙亦綴楹但識冰即水奚殊碧波呈

水門

跨水為牆下置門此由溯委此探源藝林夫豈外道義  
我亦因之成性存

清閨閣庭中聯句有嘉樹橫屏之語遂以為題各

書屏上

清森復鬱蔥三五列庭中詎是謝家擬寧云呂氏同影  
惟稱去聲秋月韻自叶春風封殖林丞慣那知詠角弓

右嘉樹

隔水列橫岑逶迤更嵌嶽清防誠未忝曲徑亦堪尋法

不黃公望境真獅子林每當南顧坐如見萬民心

右橫屏

上元前一日宴哈薩克波羅特汗陪臣阿克台里  
克及卓爾齊即席成什

波羅

諸作上聲

特茲馳使伴繼汗請命覲都京

波羅特以繼其父阿布爾

巴木畢特為汗遣陪臣阿克台里克入覲念其汗本雖受中朝封爵而請命有愛戴之忱且以十一月杪自伊犁馳驛行走便捷上元前即抵京殊屬恭順因優加宴賚底須更平聲置示威重便可

允行獎恪誠卓爾齊

別部阿卜爾比斯王之子向曾來京

尤習國禮理藩

院引賀新正厚恩豐醺頌嘉節柔遠旁通萬里情

題陳居中畫王建宮詞圖即用建詩韻

檐可步巡人可呼傳神妙處若斯夫雖然唐豈乏內監  
以理言之此事無

建此詩膾炙人口居中所以為圖也宮廊窈窕采女  
勃窣可謂曲盡人情然內侍司灑掃之役掌宮闈之  
禁自古已然豈唐獨無而令外人進內擁帚哉且汛  
掃乃日日所有之程豈得不識而羣訝以為奇貨又

宮人非自外間選進者乎乃至不知為何世界蓋文  
人遣興求新未免以辭害義要當折衷乎理故予以  
為必無之事因題此圖並識如右

詠漢玉穀璧

規圓如月其孔空肉好之製依考工土華剝蝕半隱現  
是誰曾伴佳城中使無所欲深堪戒匱藏市鬻奚足怪  
新穀熟即舊穀虧此穀千年曾不壞

題金廷標山水冊

溪亭疎影

草亭一笠石溪臨幽間恰似孤山陰依然橫斜照清淺  
春來花發香惜惜不為連林為獨樹慘淡雅識逋翁趣  
逋翁去今七百年髣髴亭中猶或遇

石壁淙流

絕壁上千雲奔流下噴雪盤山瞭甲石一例供清悅

雲海浮嵐

高山出雲若浮空濃清淡白相容容我雖黃山未觀海

沈詩在憶無殊同負擔應是採茶者雀舌麥顆盛筠籠  
衣需路滑有弗避嗟哉事事闕民窮

層巖疊瀑

搖刷既高崇洩汨復垂注如是凡幾疊紛不知來去睇  
色色莫定聆聲聲弗住無人過石橋此是升仙路

山城春曉

山城雖斗大春到亦堪欣荷耒出耕夥推車赴市勤一  
溪圍郭曲萬柳向橋分不識閭閻裏絃歌可得聞

松磴花宮

峰巒幾伏幾起礪壑一曲一迴青林覺路松護紅牆法  
界蓮開除是盤谷恰當

去聲

曾於淨室徘徊峻挺忽看獨

出知為李靖劍臺

繡嶂晴濤

奇松扶峭嶂森鬱如錯繡迸水無來源怒擘石壁透此  
唱而彼和雅中宮商奏

垂虹烟雨

膩雲霏霏雨霏霏一色湖天四面圍新水漲橋侵鴈齒  
低烟籠岸失鷗磯村人幾戶闌扉坐漁子一肩擔網歸  
宛是垂虹在西際鄘風寓意綢依稀

江船上峽

望峽篙撐復緯牽同心共濟力齊然姚家學士應慚色  
試看灘頭上水船

荻洲楓岸

楓葉槲葉丹黃蘆花荻花采蒼設使藤蘿月上不知所

曠何方

沙汀艤渡

沙汀喚渡秋晚舟泊岸傍水淺旅客已登舟行李奚僮  
運轉驢蹇驢蹇牽拽不前戀棧

玉峰寒翠

憶我辛巳之歲遊五臺三月雪花大於掌片時萬峰都  
鏤玉祇有紅牆皴白突出青松上叶冰滑泥濘馬不前  
問景策鞭賈勇往千佛洞側拈險韻迴示從臣賡雄賞

幘中斯景大似彼坐而觀之斯逸矣

上元前一日小宴親藩

派演天潢數萬千躋堂掄近慶韶年澹華去侈心恒念  
過節行時情亦聯酒止一巡還戒酒樂惟兩闌特捐妍  
玉輪好是逮幾望秒黍寧須惜未圓

上元燈詞

碧宇晚來定紫瀾層樓

王母奉燈觀玉輪東上如含喜今歲為饒一度團

自來燈月上元佳以有烟花與作偕倒借璇霄綴星宇  
平鋪冰闕接天街

京都各省元宵節一日樂原九寓同柳或言雖煞風景  
要知返樸論因公

樓前百戲于思列跳索尋橦更覆盂看慣却殊西域傳  
艷稱奇技有都盧

萬里馳來卓爾齊恰逢嘉夜宴樓西面詢牧盛人安否

那更傳言

語稍譯

蒙古回語皆習熟弗藉通事譯語也

幻擬虛空摘星斗真教陸地茁芙蓉感金結繡玲瓏玉  
丁緩應輸巧不如

龍銜雞踏輝千炬魚撥犀椎滾六么示儉難教一例罷  
聯情都為九瀛朝

昨歲景光如昨日今年燈火又今宵箇中底識殊勝處  
瑞玉依然護麥苗

上元後一日曲宴廷臣

翼節園林曲宴仍同心知穡祝三登班聯文武逮藩服

舞進魚龍映鵲稜詎以需雲恣和樂還因泰保戒驕矜  
獸罇湛露聊巡爵火樹非宵未上燈乍可湘箋摛碧管  
底須宮餅詡紅綾兩章俊逸惟張說十思規陳孰魏徵  
書識艱難無逸逸詩歌愷悌有憑憑異時誰續歲月紀  
佳話從他一再增

雪

正月十七日

夜雲鋪玉宇曉雪撒銀沙已慶膏成績還希勢更加報  
辰欣大作被物鬯休嘉冰浦重掛鏡春林早著花瓊樓

羃遙裔珠琲落髮髻過午晴光霽慰哉望敢奢

含經堂有會

常考五經旨無弗首乎春周易始乾元善長理最醇尚  
書肇堯典義仲命寅賓於詩則關雎載陽歸家人曲禮  
毋不敬安民藹如仁春秋王正月大義揭星辰茲堂曰  
含經茲時值韶晨何以循斯名而能熙吾民勉之在體  
之其要更惟寅

題思永齋

慎厥身修謨訓文人皆當勉重為君樞機言行

去聲

榮辱

主敬忘毫釐治亂分九族敘敦親始近庶明勵翼哲來  
羣題檐何異銘屏展要在行知尊所聞

恒春圃

貯圃原非廣當春每一過步斯踰十笏目豈必千科隨  
分芳菲擷觸懷長短哦題箋新接舊不息視韶和

芥舟

冰洹小池不作瀾一時異想得憑欄設如置芥舟還膠

去聲  
欲笑南華轉語難

澹然書屋

曲廊轉通屋入屋窓臨池池水明若鏡便風弗動漪澹然誠澹然惟靜照乃宜往來苟憧憧朋將從爾思

敦素堂

恒思淳貴返頗以樸為懷但此懸華榮去聲寧云稱雅齋

烟隄遠罨牖冰渚近侵階敦素所包廣詩多賦亦乖

新賞室

靜室額新賞今來賞果新隔年吟舊句增歲閱初春北  
砌蕪將發南枝花已勻翻書得漢詔厪念在吾民

迎步廊戲成口號

步而前似廊迎步莫笑居然混主賓我自昌言得其解  
非人磨墨墨磨人

虛受軒

窓景納無盡因顏虛受名執規方撫序絜矩特關情具  
曰戒予聖懷其如奉盈大公是春德一氣遍寰瀛







難偶

題徐渭寫生卷

鯉

不羨千里身都同廿六鱗  
濁遊還食濁神到乃傳神意  
得何愁蟻偽求應笑人循名詮字義也覺與相親

荷

了了揮數筆超超見一花  
出塵惟淨直照水亦橫斜  
那避初更月

荷花見月則  
斂朵出梵經

休誇十里霞不衫還不履君子

定無差

螺蚌

實虛隨望晦沈伏隱泥沙閉戶公輸倣為卮漢武誇味  
非鼎俎貴文豈飾雕奢設不明珠韞誰將刀剖加

蒲

春水溶溶綠新蒲刺水青映波蒲復灑度籟搖

去聲

還停

李密羈勤讀劉寬鞭示刑寧同等閒草壁寫贊明廷

榴

榴花猶滿枝榴實已纍垂可口還娛目秋甘暎夏穠玫  
瑰都得擬烏雀那容窺謾議成欲速紛哉奚啻斯

薔薇

應魄為圓缺連春吐葉葩風前真野客月落是誰家粉  
膩燕來遠香輕蝶掠斜調言佛見笑迦葉轉為差

芭蕉

蕉葉善鳴雨窓前每種之早中欣聽處霖際厭聞時愁  
喜原殊托蕭騷自不知粗疎寫數筆說偈付伊誰



尺有三分所<sub>言</sub>贏已多至權其輕重則玉  
質之去舊銅銖兩并不可以倍蓰計矣  
天右伯友仍厥

銘用巧眉壽無疆徵

二句隱括銘言

事不師古其奚稱邀想捐

山慚則誠

### 題董誥歲朝圖

臘前春後頻逢雪稠疊農祥似此無遂以邇時直廬暇  
成茲即景歲朝圖白梅紅竺態如舞老顧少趨情可呼  
物阜人安寧易致不忘規頌若斯夫

### 詠定窰盤子



雪

正月廿二日

春雲復布護春雪更攢團落地皆融化飛空益宵漫便  
晴寧致惜為澤總生歡調幕逢時若兢兢敢自寬

題王翬山水畫冊

蒼山蕭寺

碧宇蒼山空不空林間微見寺樓紅板橋流水隔塵界  
祇合習禪住義公

草廬款鶴

誅茅竹裏學僧菴，鶴子殷勤似對談。  
一種元人傳簡澹。

縱橫畫史豈容探。

見畫中  
自識語

秋山溪閣

颯颯秋山澹澹溪，光山色蔚茫迷幾楹。  
水閣憑虛架合，付騷人點筆題。

溪橋策杖

背郭茅堂竹作垣，碧溪澹澹繞衡門。  
板橋策杖知誰氏。

文敏目成圖水村。

翠自識傲松  
雪水村圖

雲在水流

白雲似水偏常在碧水如雲却自流  
不競俱遲誰解會  
都從石谷筆端收

江村曉色

柳放絲條桃作花  
籠村簾竹暎波斜  
平江春曉行舟處  
祇惜溪烟一半遮

古木寒鴉

歸鴉繞樹覓棲枝  
村舍柴門欲閉時  
早作暮休無別事

阿瞞那學賦雄詞

秋林遠岫

秋林蕭颯意含霜遠岫雲端色欲蒼不擬畫家倪范派

瓣香獨識有香光

見翬自  
識語

山光竹影

溪上書堂暑氣消板橋過客早相招共欣竹影宜疎密  
解使山光能盪搖

雲林濕翠

金  
卷十  
春雲低似掩林扉步向叢間欲濕衣寺閣可看不可入  
絕蹊徑處是禪機

新春萬壽山清漪園即景

御苑今年遲駐蹕

往歲率以新正上澣即幸園  
明園今歲十三日始駐蹕

清漪節

過始來臨綴檐燈例成孤負

向雖節前至此然偶遊片  
刻即返亦從未於此張燈

故插架書猶耐討尋待泮水光方淦淦未昌山色漸惜

惜潤含生意宜韶律又喜璇霄佈密陰

玉瀾堂

又俯西窓蜃湖天上下空祇觀鋪鏡影遶待疊紈風暖  
起浮霄蝶寬棲度歲鴻

昆明湖既濶鴈鴻之類  
有棲遶度歲弗去者

漫言水

尚汙瀾意滿其中

### 道存齋

樸齋幾架構山園弗以奢誇以素敦設曰豫遊必有道  
亦塵鑒戒實斯存

### 題長春書屋

書屋長春到處名日知無忘舊時情尊行高大吾何有

元善旁通茲可評背峙仁山惟萬壽面陳智水則昆明  
詎寧遊覽圖娛志不息自彊勵以誠

含新亭

一氣春和物被均虛亭獨得號含新經過擬告昌昌者  
莫漫迷頭認主人

養雲軒

瑞雲邇每佈膏勤恰坐巖軒號養雲詎為

去聲

綵檠玩檐

艷端欣素靄吐氤氲低含前沼近相接濃幕西山遠莫

分春澤豈辭多益善東郊于耜待興耘

怡春堂

春氣侵尋透春光即漸怡向陽蕪茁紐含籟柳柔絲物  
意皆生意對時思變時芳菲底須盼稔冉到寧遲

夕佳樓口號

趣擬陶詩號夕佳斜陽圖入一樓皆來旋去率無過午  
責實循名每慙懷

無盡意軒

淑氣始訢閭韶光未明媚梅心尚寒避柳眼纔風試步  
墀土漸酥望湖水已脆靜值萬幾暇澄觀萬物備遲彼  
有脚春愛茲無盡意

邵窩

濟源有邵窩憶昔曾一至奧室景略同借用題名字明  
知殊賓主賓主誰所置安然樂山水雅契堯夫意但慚  
鮮餘暇於中玩周易

叶

愛山樓

峰嶺殊側橫其形斯有定草木別苑枯其象以時更仁  
者乃樂山樂應在山性性實契根源形象皆餘剩設云  
春未嘗未達山之靜叶對山抒所思即以山為鏡

石舫三首

石難為舫盡人知舫竟石為宛若斯倚著匡牀聊屬句  
欣於茲亦懼於茲

昆明水凝去聲鏡光平安帖不波雅愜情漫道岸傍艱動

轉蓬窓日影豈非行

冬夏何曾易地艤有恒端可傲巫醫更嗤桂棹蘭槳者  
不肯隨波逐浪為

味閒齋

放燈連日真嫌閒過節山齋來味閒何似空空樸室裏  
曰閒曰閒一齊刪

賅春園

迤邐循山右山陰忽到來今年乃初至暇日漫輕迴淑  
氣煦而嫗物情根與夢東皇如有謂春意此間賅

清可軒

山軒倚峭壁壁復軒中裏望之若峻危即之實平安所  
以遊山陰無不小憩坐是時春未訖林葉禿非鎖遐觀  
彼全呈靜搜茲亦頗即景信惟清愜意欣誠可

翠籟亭口號

詩難狀復畫難形六律音翻百尺青籟自為聲翠為色  
龍門合傳是斯亭

構虛軒言志

萬壽山陰別小峰具體而微頗崢嶸若論龍脈西北來  
萬壽山自西起伏權輿實由此峰頂書軒名構虛隱幃  
山分脈而來  
此虎檐楹裏過門不入有底忙山靈應笑粗疎矣入而  
少坐便言歸亦我宿緣鮮暇耳暫遊豫復戒留連同一  
失之或勝彼

晚雪

正月廿四日

春雲復作陰晚雪落森森積地如明月纖空訝玉林優  
膏有若是慰志覺難任點筆燈窓下何妨微冷侵



樓倚江邊俯暢情縱眸遙見片帆橫大都遠涉風波者  
兩字不離為利名

澄湖草閣

四柱虛亭俯碧漪倚欄匡坐獨凝思詩人定是杜工部  
紫閣峰陰對漢陂

山館看雲

山館臨高空谷杳凭欄幽客託遐思日沉閣際溪雲起  
恰似許渾得句時

雲巒過雨

雲歸嶺腹勢將散  
雨過峰頭潤尚濃  
蓑笠依然漾舟去  
恐妨林下露重重

石梁採藥

跌坐空巖修內丹  
白雲蒼樹自幽閒  
却疑未悟黃庭旨  
尚待青童採藥還

雪溪訪友

高峰鏤出玉嵯峨  
銀海寒光影盪摩  
獨坐溪亭思白戰

石蹊恰有客相過

詠和闐玉荷葉洗

向謂土浸率古器今始識有陰陽異陰土浸實出佳城  
陽土浸自和闐至皮相華斑乃若同入骨陽淺陰深致  
是洗初視疑炎劉旋思彼代無斯製固知轉鬻由和闐  
捐玉何妨存此意

今姑蘇市上鬻玉甚多更有美者知其為竊賣而不深禁也

荷葉

荷花成一束葉大如承水漿翠淡黃片片皺其表又似  
經霜將破碎古人格物或遺茲吟用長言識其備

捉刀

魏武自慚貌不揚李珪雅望嚇避方捉刀侍立非代作  
代作還應屬坐牀

世說魏武見匈奴使者命崔季珪代坐自捉刀立牀  
頭後世遂有以代作為捉刀者蓋代者乃坐牀之崔  
季珪非捉刀之魏武也夫操固詭譎然為漢相已久  
其貌之陋而心多術外國必早知之豈有臨時令人  
代坐而已顧侍立欲以雄遠人之理操之智必不出

此至今間諜問使者云云更出附會因詠其事並識  
如右

詠定窯餅子

北定州陶佳製多白如脂玉未經磨空傳紫色及黑色  
見道生八牋然今惟白色者多那辨宣和與政和不琢花紋敦素後獨  
稱質品軼文過丹泉周冶茲真否望古徒教興罍哦

陸治松鼠葡萄

送客看花上苑時藍衣換紫祝臨岐却成松鼠葡萄景

不識譽之抑刺之

治詩曰看花上苑殷文成奪袍紫弄筆寫其真聊爾  
得形似末云似壽承社長蓋送其赴選之作夫鼠穴  
蟲之善為盜者也古人無以為美喻者徒以取葡萄  
為紫袍之祝遂並寫鼠實失晏子諷諫之意因詠其  
圖聊並識之

河南巡撫何煒奏報得雨詩以誌慰

節前後此頻逢雪北省都稱次第霑

正月 中北 五省  
前後 俱報得雪 咨

政詰晨惟惕勵批章隨到敢留淹竟欣春雨三寸渥

何媚

奏開封省城於正月二十一日密雨自午至亥入土三寸雨意綿密勢甚廣遠二麥出土足資暢達云云時立春甫十日霖霖優霑為從來所罕觀真利東郊二麥占額慶更驚從未有

夔夔彌篤敬勤兼

詣暢春園問

皇太后安之作

行慶燈宵侍

懿聞暢春又值

駕言歸

萬年康樂恒期奉半月光陰迅若飛一喜無容別輟轉  
九如有祝是因依載陽指日將和暖掖  
輦歡承閱淀畿

書無逸於無逸齋屏並識十韻

名齋緬

皇祖大戒述周公萬世仰

挾藻當年茲

憩躬示端引未發切已惕無窮每以問

安退於斯咨政同曰勤恒勵志云逸那萌衷爰更

去聲書

屏上仍如勒殿中

圓明園  
向曾書無逸

皇考理事處曰勤政殿  
於屏以爲視政範鑑

民器

天命凜深歎永嗟通凡七端往復半千言始終依然此  
靈囿恧若奉卑宮卽事遵

家法惟欽對

昊穹

出無逸齋門至泉宗廟之作

泉宗近暢春趁暇暫遊巡曲折溪田歷欣看積雪均  
溯流源亦到漸暖凌去聲猶皴却是園牆裏活波漾岸脣

題挹源書屋

泉暖冬弗凍波生春益滋翻檐影浮動繞砌響參差  
既曰挹源處寧無探本思萬方皆待理圖豫詎其宜

曙觀樓

偶憶賓王句獨工樓觀滄海日輪紅今朝拾級騁遙目

湧出扶桑豈不同

向綠軒有警

林葉未放綠林軒却稱向向實意所存綠待春之營當  
其未綠時向者應怏怏人情弗大殊於我豈無望

扇淳室口號

巧樣軒齋效扇

去聲

為扇

平聲

淳因以額檐楣據床每覺增

慙若思義顧名類背馳

主善堂

五經易稱首善長首稱乾主善雖尹言權與實此焉孟  
春即景臨體元願勉旃無為而有為位育孰仔肩會理  
希協一克已尤其詮

秀舉樓

月之廿九賞烟宮故事依稀瀝水同楚客佳詞真秀舉  
巖亭祇付不言中

題依綠軒

軒額名依綠春寒綠尚遲草陽微解紐樹籟總枯枝入





澄性堂

萬佛高輝閣

閣中供一萬無量壽佛因名其旁即此堂

一池方曠堂有為詎

功德無量本清涼性海莊嚴地澄波潔淨場言旋消片刻孤負鼎鑪香

枕巒亭

雖是假山亦有巒小亭冠頂暢遐觀如將放眼青天外  
黍米崧高一例看

綠意廊

曲廊接池齋縵迴步邈迤古柯抱槎枒詭石矗喂蟲向  
陽茁微芽綠意原恒此雖非鄭康成頗似周夫子

道寧齋

召伯初致訓武侯繼暢言二人如匪哲兩字底須敦觸  
目堪明志踐行戒漫論設更平聲注精義戒性在存存

邀山亭口號

構亭恰似山邀至坐看山疑亭所邀兩下主賓定誰是  
南華齊物繼逍遙

得性樓

屋裏有梯升分上下層既非傑閣構已是迴窓憑守  
約物博覽致虛景實徵設如擬性理云得亦相應

戀影亭

縹渺烟光撲座端一亭恒是對崇巒春明若憶孫承澤  
笑彼還成捕影看

閱古樓

四壁石碑砌三希法帖藏別教貯淳化

近於御園東構  
淳化軒以校摹





按元史至元二年瀆山大玉海成陶宗儀輟耕錄稱  
為黑玉酒甕朱彞尊日下舊聞引孫國牧燕都遊覽  
志稱為玉缸高士奇金鰲退食筆記亦止引輟耕錄  
之文而注道人作菜甕語此外俱無可考亦無直稱  
為酒海者蓋瀆山即瓊華島以四面皆有水圍是山  
耳故下文即云勅置廣寒殿設謂玉海刻有山瀆則  
不當更以海稱若以瀆山為產玉之地查元史外國  
傳不載于闐等產玉諸國亦無瀆山之名更可證非



淨蓮一朵是前身  
繡佛無緣那有因  
笑煞文瑜特多事  
偏稱津逮管夫人

巾幘寧無杜子美  
依稀茅屋即東屯  
荒村落日絕人至  
雙掩還教鶴守門

御製詩四集卷十



























效勤失望笑中消

幾曲煙隄取勢斜  
玉田半里步成賒  
春林五色翻迷目  
不辨梅花與李花

縱目林低遠見空  
西山積雪照湖東  
重疊不復煩摘藻  
早詠燕山八景中

前朝柳陌見微黃  
今日柳梢絮若揚  
付與當年謝道韞  
分疏對面轉教忙

大食玻瓈涵遠空  
重簾那許入微風  
遙睇別有相應處















































浴者誰然亦得轉語本末無異施

湛華室口號

石際噴泉堂下鳴湛然之表散華綺湛而不華墮頑空  
華如離湛斯曼靡吾固弗徒為佛言偶亦因茲悟文理  
自玉河泛舟至昆明湖登石舫溪路沿攬襍詠得

詩八首

山石山前率徧遊得詩廿首興堪酬山陰山左待他日  
寓意由來貴不留



金史四八  
卷十一  
事此事合應頻重

去聲吾

東來溪水漸流平  
層閣波心倒影明  
早識題楣曰治鏡  
顧名思義一關情

玉帶崇橋橫鎖湖  
過來千頃碧波鋪  
雖遲綠葦還白芷  
已有翔鴻及浴鳧

畫舫行行石舫臨  
便將登岸步山陰  
迴看彼此原無二  
一例憑橫與俯深

題石舫



閒齋對如相謂知是那更構築勤

山北猶存積雪多樹梢消盡樹根羅恰如身在瑤池上  
倒影波中看玉柯

霽清軒近北東門例以因之返御園不識遞來軍報否  
捷音企望正心煩

命校永樂大典因成八韻示意有序

翰林院署度有永樂大典一書蓋自皇史宬移貯  
者初不知其名也此以搜訪遺籍安徽學政朱筠

以校錄是書為請廷議允行奏既上勅取首函以  
進見其採掇蒐羅極為浩博且中多世不經見之  
書雖原冊已什之一固不足為全體累也第彼別  
部區函意在貪多務得細大不捐而編韻分字踏  
襍不倫則由當時領書局者惟一姚廣孝因而濫  
引緇流逞其猥瑣之識雅俗並陳舉釋典道經悉  
為闡入其奚當於古柱下史藏書之義乎因命內  
廷大學士等為總裁掄選翰林官三十人分司校

勘先為發凡起例俾識所從事蕪者芟之麗者釐之散者裒之完善者存之已流傳者弗再登言二氏者在所擯取精擇醇依經史子集為部次俟其成付之剞劂當以四庫全書名之夫四庫之目始於荀勗而盛於唐時自來志藝文者大都以是為準較原書斤斤於韻字之末者純駁何啻霄壤於以廣金匱石室之儲用嘉惠來學詎非萬世書林之津逮而表章闕佚之餘為之正其名而訂其失







波面漁菴也是舟

右柳塘漁樂

家在疎林深處歲板橋畔更有溪堂過橋閒坐溪堂者  
意與水天共渺茫

右疎林溪閣

畚嶂連林迴莫羣流煙盪靄相入  
氤氲遙睇試向菑蔥  
望不辨青雲與白雲

右雲屏煙樹







休說鄜州有戲泥

鄜州泥孩兒獨  
妙見陸游集中

### 禱言

無形生有形無形更何生無聲聽有聲無聲更何聽晦  
為明始亂實治基反觀其文危豈如之凶莫凶于中盈  
吉莫吉于撝謙出言莫予違自審誠奚堪

重摹淳化閣帖成因並弄畢士安原本於淳化軒  
詩以誌事

初搨曾經賜文簡流傳七百七旬年無雙善本教重泐



覺心神晏徒看圖史圖春光猶未冶真是對清暉

再題清暉閣四景

松雲樓

舊松補闕種新松也自虬枝佳蔭封試向十年前較量  
綠雲雖有却輸濃

露香齋

花間葉際弄珠明霏細香因風送輕若論當春舊生感  
撰辰將亦發行旌

涵德書屋

下德弗失上德不足識其間德有無柱史斯言誰領要  
當於涵字覓津途

茹古堂

茹柔豈是仲山甫汲古畧同韓退之設使不於言行勉  
虛車謂亦合深思

暮春啓蹕恭謁

泰陵順途先闋永定河前歲所築缺口仍以迴鑾之便

遂奉

皇太后安輿應覽淀池運河諸工及永定河下口詩以

誌事

有序

神臯連右塞

軒丘勤薦醕之思沃壤控東瀛禹甸課剔蠶之效維桑  
落流經采衛詎辭稅駕咨謀而析津景屬水鄉宜  
奉

安艦清勝壇吏達封章於郵輒云畿民近日彌殷候人

營頓置於帷宮報蹕路觀河甚便爰自轉易西之  
旆恰符三昔迎

鑾揚趙北之旂頻軫重隄攬轡覘淀滙白洋似鏡羣知  
候鳥來同湖壖歸碧澗如門屢省沈牲告績欣曩  
歲捷芟並集雖看異漲旋消喜昨年襟帶胥恬實  
獲康功大稔由節相暨司空通遣惟期策定一勞  
今水衡偕工府兼籌肯靳輸逾五億迨歲役而官  
不煩手鼙鼓洎巡行而戶悉效夫香盆顧勤民者









芟薪非不屬隄堰聿觀成終鮮一勞榮那辭五夜紫憑  
看雖曰慰追憶尚含蘄舊壑原循軌新祠已麗牲連阡  
麥苗嫩園墅柳條輕慙乏安瀾術事神敢弗誠

題休哉榭三首

就

永定河神祠東廂地方官灑掃為憩息之所因反蘇  
轍快哉亭之意名之曰休哉而系以詩

瞻拜因祈佑來波流浸灌近隄隈江湖廊廟心誠異





如親目然予試絜矩九寓廓員幅一人豈遍及滋用增  
惕慙

隄柳

隄柳以護隄宜內不宜外內則根盤結禦浪隄弗敗外  
惟徒飾觀水至隄仍壞此理本易曉倒置尚有在而況  
其精微莫解亦奚怪經過今補植緩急或少賴治標茲  
小助探源斯豈逮

良鄉行宮疊庚寅奉



過吉陽村成稌言一首

舊路新經宛如昨日十歲百年蓋此一律有秋之後衣裳鮮老幼男女多歡顏足慰者目睹之實事所憎者熟聞之頌言虧盈益謙天道如是陽吉陰凶恒言至理

半壁店行宮作

環抱行宮溪水澄石橋過處入門仍店稱半壁名真副館憩數間景絕勝亦有圖書為暇伴底須桃李供春憑大房山在直北望阿那雲標題句曾

過拒馬河

拒馬古桃水源出廣昌山捨源言其流失詳酈道元春  
水未甚漲白石灘尚寬因思夏秋潦拍岸當漫漫然此  
居上游疏洩猶非難浞池乃歸壑受矣圖安澗茲行實  
為去聲茲躊躇緩鳴鞭

秋澗村

往歲恒斯越宿郵

向每謁莊回程始來

陵由半壁店逕至梁各此惟庚寅因奉

安輿於此間增置宿頓今歲以越宿太遠且衆人跋涉亦微勞即循上屆例駐此

邇來行館按

程投已非過勤衆還逸老固不言壯弗侔塙外柳條抽  
嫩葉門前溪水放新流

鼎湖西望由旬近到此當春也似秋

麥色

色色形形物自知麥苗芄綠接平陂攬茲絕勝看花柳  
步輦從容命緩移

水郭山村動接連崇墉猶見積塙邊老農更說霑春雪  
阿那岡頭嫩麥芊

春麥纔青秋麥長上聲苗根沃雨更當佳因思知足定誰  
是然此無非保赤懷

永慕齋

向隔一年至今過平兩歲來嗟哉日以遠迅矣刻難迴  
此罷慕如舜茲慚舞效萊池泉依舊漂洗不盡心哀

恭謁

泰陵禮畢書懷

數問如何夜不眠質明泥首







御製詩四集卷十一